

FRANCISCVS FOSCARVS

D U X L X I V .

Electus Anno 1423. obiit 9. Octob. Anno 1457.

ELOGIVM VETVSTVM.

*Post mare perdomitum, post urbes Marte subactas
Florentem patriam longævus pace reliquit.*

LXV.



INter ambitus & præfationes Marini Caravelli, Petri Laurèdani, Franc. Barbari, Fantini Michaelis, Albani Baduarii, & Iacobi Trivisani, qui Annorum pondere, & meritorum virtute, jure sibi debitam asserebant chlamidem, Franciscum Foscarum florenti adhuc ætate, & qui omnia Fortunæ incrementa suæ debebat virtuti, ad thronum Astra vocarunt ab augure in Ægypto, Francisci genitori prædictum, eà populi gratulatione, ut hastarum certamina, aurigationes, variique generis spectacula, per Annum integrum, in singulos dies festos fuerint instaurata. Tullius iste Venetus non orationis lasciviæ, quæ publicæ est argumentum luxuriæ, sed virili fortique sermone, producere cum assumpsisset terrestres Reipublicæ terminos, juvenis adhuc Quadraginta